

摘藻堂四庫全書薈要

集部

欽定四庫全書薈要

集部

大全集卷十三
四



欽定四庫全書薈要卷一萬六千六百二十四

集部

大全集卷十三

明 高啟 撰

五言律詩

送吳縣令遷松陵

山縣彈琴罷江城露冕初夏霖湖更闊朝日市長虛柳
下催耕鼓桑間問俗車秋風莫思去客館有鱸魚

寄沈校理

風雨清明後春寒未袂衣閉門聽鳥盡入寺看花稀獨
酌愁難去相思夢欲飛艱難宜數見何事却長違

贈呂醫

藥院閉閒朝煙生積券燒求真遊嶽遍訪病出城遙收
穀寧煩僕尋苓或遇樵世方多內熱一七儻能消

次韻陳畱公見貽湖上行屯之作

湖陰巡壘罷緩服上仙舟景好看宜晚詩清賦為秋葉
應隨鳥散山欲趲波流亦有東遊興空憐未得酬

雨後飲西園偶然亭

晚酌櫻桃下歡來不奈春
那知醉後客猶是亂中人
雨霽飄還細花寒破未勻
江皋舊遊處回首莫沾巾

鄰家桃花

春色東家出相窺似有心
曲垣遮自短別院閉還深
影動疑人折香搖妒蝶尋
好風時解意吹片拂羅襟

和王校理夜坐

池暝花如霧蒼蒼月照開
梁空雙燕睡簾暗一螢來
兵

散誰家笛人違此夜杯如何對清景愁思却相催

答陳校書客懷

同患君尤甚時難覺意真愁邊長夜雨夢裏少年春遊
遠荒家業交疎困路塵一杯歌短調誰聽不沾巾

酬余左司

門巷接垂楊同鄰忘異鄉兒親欣見熟僕立厭言長讀
借風牀簡炊分雨碓梁亂來成久別能不為情傷

宿道王蘭若

借榻到僧扉雖安未是歸
暝禽愁雪意夜篠助風威
燈盡思燃帶衾寒起覆衣
不知孤棹去明夕更何依

與詩客七人會飲余司馬園亭

居皆在北郭

情與酒兼和園亭駐晚珂
家同榆社近人比竹林多
短景催長宴醒吟雜醉歌
亂離歡易失無厭數相過

登西澗小閣

層檻構雲牢清寒灑客袍
石稜添澗險閣勢借峰高
風竹驚棲鳥霜藤縋飲猿
欲題因境勝不敢易揮毫

江上荅徐卿見贈

煙樹近松陵，扁舟晚獨乘。
江黃連渚霧，野白滿田冰。
往事愁人問，虛名畏客稱。
無才任蕭散，敢望鶴書徵。

除夕客中與家兄守歲

雨雪遠村中，猿鳴旅館空。
守爐銷夜漏，停燭待春風。
有恨能催老，無文解送窮。
却憐今夕酒，還得弟兄同。

南溪晚歸

流水出雲根，遙通古寺門。
山深僧少俗，人靜市如村。
馬

渡知長淺魚行見不渾多情溪上月歸路照黃昏

丁孝廉惠冠巾

知試山人服冠巾遠寄重佳名因子夏舊製學林宗裏
映秋吟鬢歌宜晚醉容朝簪今已解期上華陽峰

西園閒興

看到竹過鄰園林獨卧身鳥聲閒似野人意倦如春殘
雨驚池樹斜陽照隙塵如何堂上客不及燕來頻

其二

當路闕追攀端居自掩關聽鐘知近寺看畫憶登山曉
櫛風林下宵吟雨閣間天應憐我懶獨與少年閒

送謝茶

涼風起江海萬樹盡秋聲搖落豈堪別躊躇空復情帆
過京口渡砧響石頭城為客歸宜早高堂白髮生

步至東臯

斜日半川明幽人每獨行愁懷逢暮慘詩意入秋清鳥
啄枯楊碎蟲懸落葉輕如何得歸後猶似客中情

郊墅雜賦

江水舍西東鄰家是釣翁
路痕深草沒井脉暗潮通
離隔蔬邊雨門開竹下風
不因時賣畚何事入城中

其二

此鄉堪避地亂後戶翻增
俗美嫌欺客年豐愛施僧
帶星耕處輒照雪紡時燈
且作求田計元龍豈我能

其三

幽事向誰誇孤吟對晚沙
浣衣江動月繫艇岸垂花
行

蟻如知路歸鳬自識家一尊茅屋底隨意荅春華

其四

春泥桑下路孤策自扶行身賤知農事心閒見物情鳥
鳴風欲起牛飯月初生漸喜無人識何煩易姓名

其五

移家到渚濱沙鳥便相親地僻偏容懶村荒却稱貧犬
隨春饁女雞喚曉耕人願得無愁事閒眠老此身

其六

紛紛謝人役寂寂戀吾居
細雨春雩後斜陽社飲餘
岸花飛趁蝶池葉墮驚魚
好了公家事休令吏到廬

其七

路迂橋斷處門靜攢眠時
孤墅藏犀柳諸田灌一陂
僮閒春作少婦懶午炊遲
誰道花源好還令太守知

其八

虛閣近鳴湍應宜把一竿
雨傷春麥爛風折晚蒲乾
抱甕臨江汲攜書入寺看
自慚何獨幸世難此偷安

其九

亂渚交交白平蕪漫漫青賣薪沙店遠祈穀水祠靈客
雨侵蓑重微風過網腥江邊多酒伴春去不曾醒

其十

入夜潮侵戶經秋雨壞垣里人淳少訟田父醉多言稻
蟹燈前聚莎蟲機下喧自應耽野趣不是戀鄉園

其十一

欲沽嗟市遠煙火隔江波客到寒齋少人歸晚渡多汗

書燈燼落驚枕櫓聲過豈敢愁荒寂時危免負戈

其十二

野色迴蒼蒼開門葉滿塘僧來雙屐雨漁卧一船霜靜
裏修香傳閒中錄酒方平生當世意到此坐成忘

其十三

紅樹南江近青山北郭遙江清目渺渺林冷髮蕭蕭食
鱸知晨釣聽歌識暮樵尋常送歸客不過水西橋

其十四

何處可徘徊林間共水隈
夜歸家犬識春睡野禽催有
地唯栽藥無村不見梅
興來慙獨飲時喚老農陪

其十五

狂多愛出遊日日問江頭
小草皆春意遙山自晚愁
酒中時有得物外復何求
不詠騷人調薜蘿任滿洲

其十六

居似臨邛宅耕非鄠杜田
已償輸稅米未覓賣文錢
把卷憐長日看花愧少年
脩然閉門處楊柳桔槔邊

采香逕

晨妝出采芳零露溼紅裳種徙山中品熏傳海外方
抱筐歸蕙逕焚鼎薦蘭堂未足娛君寢西施體自香

響屧廊

廊虛應屨鳴響細識腰輕誰道吳強國唯銷舉足傾
苔間滅古跡月下歇餘聲此夕人空聽山僧曳履行

臨頓里

聞說橋東地高人舊隱居養生應有道覓舉絕無書愛

救粘絲蝶嗔驚出水魚時尋戴顓宅自駕短轅車

其二

應愛山齋好秋風不捲茅鑿渠侵螳穴移樹帶禽巢人
世真浮梗吾生豈繫匏不逢皮從事誰結歲寒交

其三

載酒攜山榼安琴製石牀鳬眠皆傍母蜂去自從王穀
雨收茶早梅天曬藥忙不扶靈壽杖筋力老能強

其四

自少圖名意誰言世不知僧求開寺記客送買山資細
雨魚生子斜陽燕哺兒平生無事迫心苦為尋詩

其五

斬伐憑樵斧經綸在釣車薄雲還露月小雨不妨花酒
債應多處詩名自一家虛煩時主召懶脫故衣麻

其六

長物元無有何勞犬護扉借看高士傳學製道人衣窗
破容螢入船空載鶴歸定緣幽事繞不是宦情微

其七

澹泊心情在蕭疎
鬢影殘引泉規作沼
畱筍待成竿自洗
沾泥屐誰收掛臂冠
毛公新有約月夜禮天壇

其八

沐罷便輕幘消搖詠
晚天清風蘇病鶴驟
雨集鳴蟬舊史堆
綉素新經錄洞玄
誰知城郭裏別自有林泉

其九

汨汨泉通圃蕭蕭柳
映門折花搖樹影
踏藕損蓮根饑

鴨呼歸艦新蛙試浴盆
屋前高石在知是鬱林孫

其十

茶租催未得菊餌服還能行
古時人笑文工造化憎貧
留漁艇載老謝鶴書徵誰識
先生樂悠然卧枕肱

春申君廟

封吳開巨壤相楚服強鄰
名重三公子謀疎一婦人
畫幃畱古像珠履絕遺塵
簫鼓時迎祭還憐舊邑民

吳女墳

魚燈照艷魄夜冷珠衣薄白玉土中埋紅蘭霜後落不
乘臺上鳳空舞橋邊鶴韓重未歸來泉宮秋寂寞

真孃墓

金釵葬小墳楊柳寺前村已斷花間信空歸月下魂山
鶯畱曲韻草露帶啼痕車馬逢寒食還來酹酒樽

鱸鄉亭

獨上鱸鄉亭秋風南浦生載誦黃花句遙思張步兵天
空白水遠日墮赤楓明我亦東歸客一壺宜醉傾

堯峰院

堯帝何年到名猶在此峰巖畱千尺井寺廢兩時鐘僧
出因尋菌人來為看松白雲深洞裏聞有聽經龍

慧聚寺次張祐韻

煙歛城初出潮來野欲吞危樵緣磴角倦衲憩松根刹
表藏林寺鐘聞隔水村畫龍飛去久空掩殿堂門

石屋

雙崖立幽闕一洞開深宇青嶂近為鄰白雲閒作主不

受杜陵風可避河朔暑華棟幾回新渠渠獨千古

贈竹里子

弭楫望迷林閒為淇澳吟君家不可見但聽煙中禽日
落浦雲遠雨餘江水深非同抱清節歲晏復誰尋

送金判官之吳江

送客常苦愁送君愁最劇地為江上縣近我鄉中宅霜
晴橘熟秋水冷楓飄夕難逐去帆東京華坐微役

漁

泛泛滄波裏全家寄一船曾來屈澤畔或到杏壇邊
帶春江雨柳鳴晚浦煙得魚尋水店換酒不論錢

樵

慣識山中路崎嶇每獨尋穿雲衝過虎伐樹起棲禽
斧礪溪邊石衣懸谷口林逢仙休看奕甲子易駸駸

耕

江皋聞布谷荷耜出柴門春暖鳥捷快朝晴綠樹繁
深耕別隴侍饁望前村自得龐公計遺安與子孫

牧

一笛去茫茫平郊綠草長但知牛背穩應笑馬蹄忙度
隴衝朝雨歸村帶夕陽相逢休挾策回首恐忘羊

夜起觀月

一春夜多雨今宵初月明窗間幽夢覺起憶故園行露
下花微萎煙中鳥忽鳴誰同賞清景惆悵倚前楹

贈劉醫師

君有抱朴意高齋長晏如壺中仙姥酒案上神農書

木曉烟裏斲苓春雨餘起疾多傳妙慚予才自疎

舟中早行

隆隆津鼓動江火畱餘閃人家未起耕近水寒扉掩船
開鳬鴨散樹吐煙霏歛東郭去方遙青山見孤點

春日懷諸親舊

楊柳燕差差鄰家換火時春寒添客思夜雨減花枝涉
世悠悠夢懷人的的思出遊無舊侶空館獨題詩

江上見逃民家

清時無虐政何事竟拋家
鄰叟收饑犬途人折好花
林空煙不起門掩日將斜
四海今安在歸來早種麻

晚晴東臯步眺

江明片雨收樹暗一村幽
籬落疎麻長田畦曲水流
禽聲初變夏麥氣欲成秋
閒步看時物今朝散旅憂

賦得戟門送陳博士

聖廟儼王宮重闕盛衛同
儒冠趨內外武仗列西東
乍啓鳴鐘始將扃徹俎終
莫言牆九仞還有此能通

櫻桃

密綠映圓紅枝頭的的同熟迎梅實雨落值柳花風美女名偏稱流鶯啄未空憶曾春薦後捧賜出深宮

金進士葵軒

幽園夏雨歇葵綠乍翻風獨向羣芳後閒依萱草叢敷榮午簾側流馥夜窗中應有傾陽意將君心正同

次倪雲林韻

雲林已白頭猶有晉風流愛寫滄州趣閒來玄館遊茶

煙秋淡淡竹雨暮修修欲向南池水長留青翰舟

登南樓看雨有懷

清曉看江雨獨登江上樓人煙與草樹蕭瑟滿城秋砧響寒稍急鴻聲哀更流故人隔楚塞西望忽成愁

晚霽獨酌南樓

倦客豈遷客故鄉非異鄉鱸肥蓴菜紫鴈到柳條黃湖濶已秋雨樓高猶夕陽登臨何必賦把酒據胡牀

耕

春郊起東作耒耜出柴荆
柳下烏犍健桑間布谷鳴
家人供遠餉刺史勸深耕
已卜豐年候朝來好雨晴

追挽恭孝先生二首

閩洛遺風在河汾舊業傳
書攻藏簡後易究出圖先
曉禁辭持橐寒廳戀坐氈
臨危誰復似身與勅俱全

其二

北闕書空上東川教自陳
可當衰亂日復喪老成人
堂靜懸魚絕墳荒下馬頻
傳家欣有子執筆際昌辰

漁

浮生何處好只在水雲鄉
榔起鳴秋月綸收向夕陽
簑篷幽夢熟銅斗醉歌長
不是煙波樂那能與世忘

題宋迪晚煙歸舍圖

落日下嵐嶺行人逢已稀
隔煙望田舍暎水掩荆扉
鳥亂夕林暗草多香逕微
家人應候我賣畚郭中歸

贈東菴道者

雙樹夾成戶一溪流繞家
掃林畱迸筍汲水帶浮花
經

勸里人讀藥從仙客
賒已無喧寂念默坐對鳴鴉

五言排律

月夜遊太湖

欲尋林屋隱還過洞庭遊
遠水初涵夜長天盡作秋
湖如青草闊月似白蓮浮
萬壑風傳笛三更斗挂舟
葉應隨鳥散山欲趁波流
浩蕩吾何適鷗夷不可求

詠夏冰

寒收凝凍井晚薦納涼
宮抱潔存天質銷炎奪
化工氣

蒸金盃潤色映玉盤空弱藻含猶在纖塵隔未通非山
寧可倚是水復當融照夜何須月驚秋詎待風製屏應
不穩作珮定難攻客貌清誰竝仙肌瑩自同宜涵筠簟
素愁逼桂爐紅願解行人渴分貽道路中

題黃鶴山人畫

何處畫相同湘南與峽東江來落日外山出杪秋中綠
桂騷人宅青蓮釋子宮鐘鳴樵谷暗船散市橋空風樹
驚猿落煙蕪去鳥通平生遊楚興對此轉無窮

賦得履送衍上人

穩稱遊方脚新編楚岸蒲滑欺峰頂石危怯世間途輕
曳愁妨蟻高飛笑化鳬上堂聲每衆度嶺影還孤著處
朝行道拋時夜結趺空山欲相訪落葉去踪無

聞蛙

何處多啼蛤荒園暑潦天股跳泥活活形蔽草草野
遠呼相應窪深樂自專斜陽魚罩外細雨客燈前莫問
官私地聊占水旱年晴思蒲葉渚涼憶稻花田高士聽

空愛遷人食未便灑灰誰解去安我夜窗眠

聖壽節早朝

天啓聖圖昌流虹叶夢祥飛龍起江左戰馬放山陽御
柳垂閭闔仙桃熟建章遠人陳貢篚近侍浥爐香金鏡
千秋錄瑤池萬歲觴小臣歌拜手堯日正舒長

洪武二年十月甘露降後庭栢樹上出示侍從
臣啓獲預觀嘉瑞因賦詩頌之

和氣融為液中宵墜碧天光溥高栢上瑞發內庭前見

日朝還泣經風晚盡堅芳穠蜂蜜滑的皪蚌珠圓厚澤
歌難喻沉疴飲易痊願言同聖德濡沃遍周埏

冬至車駕南郊

駕動百靈呵齊宮午夜過禮行因日至樂奏合雲和配
祖宗周典祈年陋漢歌壁陳孤月滿燎發衆星羅秩秩
威儀盛穰穰福祉多慶成應預喜四海沐恩波

禁中雪

君王元尚儉臺殿忽瓊瑤環素凝宮沼飛花綴苑條坊

雞驚曙早伏馬喜寒驕金扇開時看丹墀掃後朝台司
呈賀表樂部奏仙謠須信陽光近都先別處消

封建親王賜百官宴

漢運初興日周藩竝建年辨方分社土當陞列宮縣上
相傳金冊中官闢綺筵誓期山作礪恩瀉酒如川仙李
千枝茂天潢幾派連百僚咸醉喜拜舞赤墀前

送安南使者杜舜卿還國應制

安南初入貢朝廷遣翰林學士張以寧齎詔冊

其主為王及境而薨其世子遣舜卿來告哀且
請命及還命朝臣賦詩送之

南粵知文化來庭喜最先地書通漢日貢紀入周年號
冊纔臨境容衣忽掩泉使蒙天語唁嗣許國封傳曉闕
晴飛鳳炎臨晚墮鳶往來時物異存歿聖恩全詔去開
蠻霧帆歸望海天但修忠順節世業自綿延

送高麗賀正旦使張子溫還國

丹鳳雲中闕玄菟海外城新陽初獻歲遠使盡朝京卉

服充王貢珠旒仰聖明
花飛辭上國日出指歸程
車餞都亭曉帆開島嶼晴
莫辭頻入賀寶厯萬年盈

送鮑修撰出官關中

辭朝西入陝車發動征塵
小麥行時熟啼鶯別處頻
關前周故尹灞上漢遺民
直院青綾舊臨川赤紐新
山連樂遊苑樹繞富平津
君去方年少還能論過秦

送恩公還江心寺

上人居寶地勝處似金山
樓閣開天界波濤隔世寰
鐘

聞孤嶼外剎出亂雲間
螺女晨修餌龍君夜叩關
遊方來暫會辭闕去難攀
舊業菱生沼離程柳映灣
衣霑爐氣出船載磬聲還
施貝來江估持經化鳥蠻
諸緣除未早半偈悟猶艱
安得如康樂登臨此共閒

喜楊滎陽赴召至京過宿寓館

忽作天涯會渾銷歲暮哀
高城三鼓動虛館一尊開
鄰馬嘶空櫪江鴻過廢臺
飲餘寒色退談絕雨聲來
涉患功名倦忘歸故舊猜
闕前新應召須讓子雲才

戲嬰圖

芍藥風欄側梧桐露井傍嬌嬰爭晚戲少婦鬪春妝共
詫珠生蚌還憐玉座岡半披文錦祿斜佩紫羅囊額髮
歲蕤短胸胞細膩光庭前王氏子陌上衛家郎弱草身
眠軟芳英手弄香隨人貪作劇避伴學迷藏莫撲花蝴蝶
宜為蠟鳳凰塗添雲母粉浴試水沉湯麟送徐卿宅
蘭生謝傳堂愛均看總好年竝比誰長驥種雖難匹鴛
雛已作行欣君得此畫真是夢熊祥

翫花池

桃枝兼杏枝春色繞宮池
正愛紅繁處還憐綠淨時
花香泛幽沁媚影照清漪
垂條看妓折墮萼見魚吹
盃涵明月瀉舟逐彩霞移
水流花落盡君王醉不知

送高麗貢使還國

鳳闕層霄上菟城積水東
大君方啓運絕域盡朝宗
錫命分青土趨班列紫宮
船歸瞻出日帆掛候西風
雨露何沾渥華夷已混同
聖心非悅貢惟念遠人忠

韓蘄王墓

宋室中興日將軍武略優功宜超賈鄧名恥竝張劉白
馬空南渡黃龍竟北游誓擒諸部種還報兩宮仇朝使
頒金冊邊人識錦裘躍戈衝野陣橫棹截江流殘虜忘
魂走中原指掌收未終藩閫寄已惑廟堂謀坐散熊羆
士甘臣犬豕酋和戎詞易屈復漢志難酬闕魯吳山曉
陵荒鞏樹秋廉頗歸未老郭令罷誰畱折檻言徒切藏
弓勢可憂俄看星隕壘永使陸沉州感慨思前代淒涼

弔古丘劒花埋虎氣碑鮮剝螭頭石騎嘶風雨山僧護
檣楸鼓旗何寂寂簡冊謾悠悠父老悲猶在英雄事已
休棲霞嶺前墓間說更堪愁

石井泉

清源生石脉冷逼煮茶亭淨映銀牀色明開玉鑑形分
秋歸客鼎汲月貯僧瓶樹影沉泓碧苔文漬鮮清熱中
嘗可滌醉後漱堪醒品第宜居首誰修舊水經

焚香

艾蒨山中品都夷海外芬
龍洲傳舊採燕室試初焚
奩印灰紫字爐呈玉鏤
文乍飄猶掩丹將斷更氤
氲薄散春江霧輕飛曉峽
雲銷遲憑宿火度遠託微
薰著物元無跡游空忽有
紋天絲垂裊裊池浪動沄
沄異馥來千和祥霏却裊
輦嵐光風卷碎花氣日蒸
醺燈炮宵同歇茶煙午共
紛褰帷嫌放早引七記添
勤梧影吟成見鳩聲夢覺
聞方傳媚寢法靈著辟邪
勲小閣清秋雨低簾薄晚
曛情慙韓掾染恩記魏王
分宴客畱鵷侶招仙降

鶴羣曾攜朝罷袖尚浥舞時裙囊稱縫羅佩簪宜覆錦
熏畫堂空搗桂素壁漫塗芸本欲叅童子何須學令君
忘言深坐處端此謝塵氛

詠夢

的的緣愁得濛濛與醉和輕隨雲浩蕩暗越嶺嵯峨夜
店嗟偏短春閨想最多關山歸識路江渚去凌波梁落
中宵月樓橫欲曙河隔簾休警鶴近燭任飛蛾遊遠寧
煩載穿深豈畏訶寒驚瑤作障暖戀錦成窩蝴蝶誰家

信鴛鴦別浦歌靜嫌風動竹鬧怯雨鳴荷寂歷窗扁紙
低遲帳捲羅知情唯枕共送恨忽鐘過縞袂香猶在朱
絃字不磨記來還彷彿尋去已蹉跎宿燼芳餘麝殘妝
暈淺螺憂歡情總幻離合事皆訛池上吟芳草庭前覓
舊柯旣因思是種復念睡為魔易斷俄如此難憑竟若
何陽臺莫重問千古笑巫娥

荅胡博士畱別二十韻

世緒名臣後聲華俊士前棘場曾中的芹水舊鳴絃遠

道秋風褐空齋夜雨羶倦遊驚齒暮多難喜身全孤客

愁王祭諸生老鄭玄未應心戚戚還是腹便便杜曲無

歸業成都有卜錢我方辭闕下君尚隱江邊久話燈催

剪頻過榻解懸擇鄰欣得地結友愧忘年牧逕依門轉

漁梁近渡連舊盟尋白鳥餘俸買烏犍流水空塘樹疎

林破屋煙詎憂窮作祟但欲醉成仙政爾交歡密俄然

別恨牽湖山入苑路雞犬載家船離索方堪歎分攜益

可憐殊鄉難託主薄俗易輕賢寒浦通潮處春城罷雪

天梅花未宜折持送只詩篇

大全集卷十三

欽定四庫全書薈要卷一萬六千六百二十五

集部

大全集卷十四

明 高啟 撰

聯句

舞劍聯句

與會稽張憲夜飲觀銅臺季壯士舞劍而作

晚陌息鳴鏹

憲

秋城起嚴柝登堂欣有會

啓

顧座歎無

樂豪賓奉觴壽

憲

壯士掉箏作韻生飈拂鏹

啓

文綴星

輝鏑拭土色纔動

憲

映火光轉燦寒瀉走澗泉

啟

明懸

溜簷澤徒誇刀瑩膏

憲

漫詫七淬藥腥疑人血乾

啟

威

攝鬼踪鏢雄聞莊子說

憲

醉想王郎斫聯翩倏鴻騫

啟

奮迅仍雀躍來如龍出淵

憲

去若蛇赴壑疾驚雷破山

啟怒訝風捲漠初馳帆縱張

憲

忽注弩弛曠陰陽變開

闔

啟

潮汐隨進却高步赴節同

憲

奇形分狀各斜迴象

翼蔽

啟

曲踊肖拏攫歛驚西方帝

憲

凜怖東海若屋翻

影紛綸

啟

地殷勢揮霍亂思突騎奔

憲

低見饑隼掠旁

分萬矢斷

啟

前拉千槍拓出堪劫齊壇

憲

立可當蜀閣

澤聞蛇姬啼

啟

路遇猿翁搏斬關豁然判

憲

擊柱鏗爾

著陸疑濤涌牀

啟

宵駭虹闖幕警樓已翻翻

憲

墜槁俄

索索顛旭曾悟書

啟

使軻記爭博目花匪酒洒

憲

膚粟

似裘薄忠義氣盡張

啟

奸邪膽俱落不從玉玦計

憲

欲

定銅臺約未數大娘強

啟

終勝處女弱李路袖手欽

憲

裴旻汗顏忤疾視誰敢當

啟

不成我慙學勇夫怒生瘰

憲

恐僕戰成瘡功收刺虎奇

啟

志感聞雞惡暫停月徘徊

徊憲

既罷天寂寞崆峒詎必倚

啟

氛祲行可廓馘妖正

思今

憲

斷佞猶慕昨會合固有期

啟

死生良欲託寧憂

武庫災

憲

但俟凶門鑿慷慨勿悲歌

啟

淋漓且酣酌

憲

劍池聯句

與張憲金起王隅同賦

飛梁上當空

憲

直壁下挿水兩樹交古陰

啟

孤亭倒清

泚初至意已愜

憲

丹陟神亦靡氣銷淵龍藏

起

骨朽山

鬼死蒼崖出仙詩

隅

金藏閼僧史伯圖渺何在

憲

世事

倏如此佳遊信難遭

啟

壯志良未已凭欄瞰神州

起

樹

羽訝軍壘未覩烟塵清

隅

且耽林壑美臨風揮一觥

憲

憩石脫雙履鶯啄朱果殘

啟

蜂抱黃英委琴咽斜陽蟬

憲棋戰欲雨蟻溽暑避松筵

啟

輕涼透藤椅瞑目思黑

甜憲潛心翫玄旨籟響破虛寂

啟

香飄聞旖旎飯鐘隔

烟來

憲

樵笛呼月起整轡戒僕夫

啟

揖鞭謝釋子庵聲

吠喧呵

起

騎影歸迤邐餘戀尚眷然

隅

重來那復爾明

發抗塵容何由繼芳趾

憲

病柏聯句

與青城杜寅郊郡徐賁遊白蓮寺見病柏作

抱質雖輪囷託根何坎壈

寅

死色見已深生意存猶頗

啟老枿焦半身餘葉禿偏髻

賁

恩謝漢陵春災非陸渾

火

寅

柯傾痺待扶節漏瘡思裏

啟

下竅封虬蟬上穴綴

螺羸

賁

風欺聲告哀雨冒汗憎顥

寅

蟄空虺喜容攀脆

猿愁墮

啟

將斲豈中梁欲刳詎宜舸

賁

蓋瘁缺青蔥梢

枯辭猗儻

寅

乏子供爐焚無陰庇牀坐

啟

蠹盡啄鳥飢

巢傾蹟雛跛

寅

矐形慘若疋突腹腫如果

寅

藤纏偶假

妝薛剝每慙裸

啟

主惜覲匠顧樵窺避僧邏

寅

土瘠力

易哀巖危勢難妥

寅

殺懼苦霜仍醫期甘露可

啟

成器

未為福不材反逃禍

寅

依林尚支撐亞石猶磊砢

寅

閱

歲失貞姿承陽愧纖朶

啟

掠辜孔語稱名負杜吟播

寅

敢要秦樹封孰效禹梅鎖

寅

蟠深漫欲踞架重寧堪荷

啟氣同生固均數異測誠巨

寅

膏乾燃不明屑隆掃還

夥

寅

客憐弔賦悲童棄培功惰

啟

終護竟煩誰今看幸

遭我賁

風雨聯句

與會稽張憲在報恩佛寺遇風雨而作

盲風簸天興

憲

凍雨翻海瀉魚鰕落半空

啟

蛟龍鬪中

野勢吞九河黃

憲

功潤千里赭怒疑決沙囊

啟

振訝摧

屋瓦橫行天兵駛

憲

大笑電母哆乾坤發生多

啟

道路

喝死寡潦漲濤涌川

憲

早去烟滅冶谷號竟誰噓

啟

木

撼不自把神靈真恍惚

憲

造化非苟且初占月離畢

啟

又駭泗沒社必變其聖乎憲弗迷唯舜也陰岑氣如炊

啟高葉聲若打陽烏韜不見憲乾鵲噤皆啞重翳晦復

明啟餘點歌還灑雖悅灌園人憲應愁渡江者侍王笑

楚賦啟及我慙周雅避思泰山顛憲戰憶昆陽下雄夫

乚易失啟各士蓋難假既需想大田憲廣庇思巨厦枯

棹向晚停啟紉扇未秋捨亂號官私蛙憲莫辨來去馬

卧驚浪喧耳啟歸恐泥沒踝勿憂卷茅屋憲且喜憩蘭

若民期歲有登啟國荷天錫嘏沛澤宜載歌憲新篇試

姑寫啟

虎丘聯句

與潯陽張羽太原王行郊郡徐賁遊虎阜用
辟間顏魯公韻作

山遊期屢阻風雨過今春羽偶遂林泉賞仍同里閭親

行樹重迷卓午花盡謝芳辰啟事往非前代僧逢是故

人賁金精銷虎氣寶藏衛龍神羽妖魄憐埋玉仙詩看

勒珉行年登厨有供村遠寺無鄰啟池古寒泉定林暄

夏果新

貢

井名猶記羽樓姓尚題陳

羽

步策方循澗迴

橈已待津

行

緣雖喧寂異妄本去來均

啟

摩壁追高韻

應慙繼後塵

貢

蓮房聯句

與金華宋璩張孟兼作

露冷鏡湖秋

璩

波涼練塘曉盤翻綠雲稠

兼

錦破朱霞

少新芭顆微綻

啟

餘葩莖尚嫋瘦繭綴寒蠶

璩

尖喙啄

青鳥下惟玉龍眠

兼

中有瓊絲裊擎重柄欲折

啟

含深

晴尚宵遜孤懸類覆杯魚雙立疑擢表啟初成欣雨滋

魚漸老怯風掉啟多子同根榮啟獨婦專房悄遜妝卸

失娉婷啟歌來逢窈窕遜剖心效諫忠魚並頭呈瑞兆

啟衰蹄密竅刺遜魚目微光皎啟珠珥落槃多啟瑤軫

貯囊小遜空實外莫辨甘苦中自了剝殘星滿地采盡

香餘沼啟雕筵釘戢戢玉蟲攢擾擾送看出小艇薦喜

對清醪魚新嘗勝江災遠覓迷水蓼褰芳想夏初啟感

物傷秋杪聊茲發吳詠啟一覽烟水渺遜

六言詩

夫差女瓊姬墓

夢別芙蓉殿頭墮釵零落誰收土昏清鏡忘曉月冷珠
襦恨秋麋鹿昔來廢苑牛羊今上荒丘香魂若怨亡國
莫與西施共遊

江村樂

荷浦張弓射鴨柳塘持燭叉魚天隨子宅同里陶朱公
祠近居

其二

一犬行隨餉榼羣蛾飛繞繅車江邊女去摘芡城裏人
來賣茶

其三

罾掛漁郎舍外船維酒媪橋邊烟波五湖朝渡風雨孤
村晝眠

其四

日斜深塢牛卧潮落平沙蟬行秋社未開綠醞夜炊初

碓紅杭

甫里即事

長橋短橋楊柳前
浦後浦荷花人
看旗出酒市鷗送船
歸釣家風波欲起
不起烟日將斜未
斜絕勝苔中刺曲
金蘆玉鱉堪誇

讀道旁舊冢碣上題曰宋黃澹翁先生之墓

古路斜陽廢城斷
碑荒草殘塋莫
嗔童豎樵牧不識
先生姓名

楊氏山莊

斜陽流水幾里啼鳥空林一家客去詩題柿葉僧來供
煮藤花

陶秘書廣陵送別圖

暮雨潮生瓜步春山樹繞蕪城惆悵離舟欲發江南烟
寺鐘聲

七言律詩

大駕親祀方丘選射齋宮奉次御製韻

奠璧方壇曉祝釐豹竿風動從靈祇獻符多士歌昌運
扈蹕諸蕃覩盛儀郊射貫侯初復古汾祠獲鼎未云奇
山川效順年多穀神荅皇心定有期

奉迎車駕享太廟還宮

鳴蹕聲中曉仗迴錦裝馴象踏紅埃半空雲影看旗動
滿道天香識駕來漢酎祭餘清廟閉舜衣垂處紫宮開
禮成海內人皆慶獻頌應慚自乏才

晚登南岡望都邑宮闕

落日登高望帝畿
龍蟠山下見龍飛
雲霄雙闕開黃道
烟樹三宮接翠微
沙苑馬閒秋獵罷
天街車闕晚朝歸
明朝欲獻昇平頌
還逐仙班入瑣闥

其二

秦金不厭氣佳哉
紫蓋黃旗此日開
殘雪已銷鵙鵲觀
浮雲不隱鳳凰臺
山如洛下層層出
江自巴中渺渺來
六代衣冠總成土
幸逢昌運莫興哀

奉天殿進元史

詔預編摩辱主知布衣亦得拜龍墀書成一代存殷鑑
朝列千官備漢儀漏盡秋城催仗早燭光曉殿卷簾遲
時清機務應多暇閣下從容幸一披

九日陪諸閣老食賜糕次謝授經韻

叨陪講席接詞曹曉禁霜花點素袍院貯圖書西掖靜
雲連宮殿北山高故園莫憶黃花酒內府初嘗赤黍糕
最愛鳳毛今復見便令池上一揮毫

送沈左司從汪參政分省陝西汪由御史中丞

出

重臣分陝去臺端
賓從威儀盡漢官
四塞河山歸版籍
百年父老見衣冠
函關月落聽雞度
華岳雲開立馬看
知爾西行定回首
如今江左是長安

吳僧日章講師赴召修蔣山普度佛事既罷東歸送別

萬人擁座聽潮音
寶刹曾迂玉駕臨
佛法曉敷三藏秘
帝恩春及九原深
鍾山坐處花頻雨
練浦歸時樹欲陰

擬問楞伽嗟已別楚江飛錫暮沉沉

其二

故鄉未解識清容却在金陵闕下逢中禁曾分齋鉢飯
上方時叩講筵鐘一帆細雨迢迢浦半塔斜陽靄靄峰
相送師歸忽多感飛雲亦戀舊依松

清明呈館中諸公

新烟着柳禁垣斜杏酪分香俗共誇白下有山皆繞郭
清明無客不思家卞侯墓上迷芳草盧女門前暝落花

喜得故人同待詔擬沽春酒醉京華

金陵喜逢董卿併送還武昌

兵後匆匆記別離兩年音問不相知武昌樓下初來日
幙府山前忽見時上國花開同醉少大江潮落獨歸遲
莫嗟握手還分手此會從前豈有期

送易左司分省廣西

朝廷特念遠氓深畫省分官出桂林油幙乍開依漢節
弁衣時到貢蠻金四時花發山多暖半日嵐開市尚陰

虞帝祠前黃竹裡相思莫聽鷓鴣吟

送王檢校錡赴北平

半年同舍客京華看遍龍河寺裡花
纔進史書朝日下便紆官綬去天涯
平蕪遠塞秋驅騎衰柳遺宮晚噪鴉
莫道窮邊成久別待君歸草玉堂麻

京師秋興次謝太史韻

柳外秋風起御河京華客子意如何
伎同北郭知應濫俸比東方愧已多
梁寺鐘來殘月落漢宮砧斷早鴻過

不材幸得同趨闕幾度珊珊候曉珂

送祠江瀆使者

源發岷峨萬里通
函香迢遞問齋宮
神馳白馬靈光近
祝奉玄牲禮秩崇
驛下換船潮湧日
廟前沉璧水迴風
重煩使者徼多福
南國無疵黍稌豐

送葉判官赴高唐時使安南還

銅柱崖前使節過
貢隨歸騎入京多
一官暫遣陪成瑨
片語曾煩下趙陀
曉拜賜衣辭絳闕
秋催征棹渡黃河

政餘好賦登臨詠閱說州人最善歌

衍師見訪鍾山里第

風雨孤舟寄一僧
遠煩相覓到金陵
青衫愧逐塵中馬
白拂看麾座上蠅
事去南朝猶有恨
夢歸北郭已無憑
文章何用虛叨祿
只合從師問上乘

寄題安慶城樓

層構初成百戰終
憑高應喜楚氛空
山隨粉堞連雲起
江引清淮與海通
遠客帆檣秋水外
殘兵鼓角夕陽中

時清莫問英雄事回首長烟滅去鴻

送鄭都司赴大將軍行營

上公承詔出蓬萊立馬風烟萬里開
賜履已分無棣遠舞干還見有苗來
牙前部曲多收績幙下賓僚更倚才
後夜軍門知子到郎星應是近三台

送朱謝二博士進賀冬至表赴京師聽宣諭畢還吳

驛騎雙馳捧祿章都門逢舊喜洋洋
小儒方幸瞻天近

遠使初來賀日長
仗下丹墀晴雪盡
朝回紫陌曉塵香
承宣歸去難留駐
乞報平安到故鄉

送丕上人還四明育王寺

解夏還尋舊寺棲
滿船黃葉過長溪
袈裟影入秋山遠
舍利光懸夜塔低
鶩識講時常繞聽
猿知定後不驚啼
却慚擾擾城中客
覺路如今去尚迷

送吳生赴汴省其父指揮

都亭槐雨淨朝埃
彩服逢秋試剪裁
定遠未歸雙節在

孝廉初去一船開城依梁苑烟中閉河繞隋堤樹裡來
家慶拜餘尋舊跡夕陽騎馬過繁臺

客舍夜坐

樓角聲殘鎖禁城燈花半落夜寒生啼鴉井上驚風散
殘雪牕前助月明清世莫嗟人寂寞中年漸怯歲崢嶸
酒杯詩卷吾家物客裡相親倍有情

送鄭山人聽宣諭後歸東陽

閣門傳詔山人拜清曉蓬萊望彩霞布褐朝天纔赴闕

蒲帆帶雨又還家
沈侯詠罷樓沉月
嫠女妝殘廟掩花
無限朝廷仁恤意
殷勤歸向老農誇

春來

客愁擬向春來減
春到愁翻倍舊時
走馬已無年少樂
聽鶯空有故園思
日光晶晶濃薰草
風力颼颼緩墮絲
辟歷溝南酒家路
共誰來往問花枝

送賈文學以郡薦赴禮部試畢歸吳

匹馬都門候曉開
吳公新薦賈生來
郡中方待傳經業

闕下先稱射策才
寒食杏花江店雨
春衣柳絮驛程埃
慚予東掖叨陪講
難把長干送別杯

休沐日期衍公遊北山不果獨卧齋中

休沐欣逢一日閒
擬邀禪客共登山
兩筇未許尋蘿逕
孤枕應須掩竹關
歷歷遠峰塵土外
蕭蕭深屋草萊間
安眠却勝清遊樂
覺看斜陽燕子還

送內兄周誼還江上

憶奉綸音趣赴朝
曾煩遠送過楓橋
雲山方恨成睽阻

雪夜俄來伴寂寥
吳苑踈鐘沉晚樹
楚江歸榜逐寒潮
情親海內如君少
敢惜離魂為一銷

夜聞吳女誦經

雲牕月帳散花多
閒讀金經夜若何
嬌舌乍彈鶯學語
芳心已定井銷波
尼師曾教青蓮偈
女伴徒為白苧歌
聽處若迷空色相
應須愁殺病維摩

送趙使君致仕歸別業

久仕江湖白髮長
今年得許乞身章
吏收封印朝辭郡

人賀懸車晚在鄉家篋已添新著稿官衫未歇舊熏香
南風別墅初歸處應坐肩輿看種秧

遊南峰寺有支遁放鶴亭

每向人間望碧峰石門今得問幽踪路緣風磴泠泠策
寺隅烟蘿杳杳鐘窓下鳥來多墜果亭前鶴去只高松
一龕願借依香火莫道詩人非戴顓

送鄰僧淡雲歸笠澤

往來海上獨離群雅稱身名是淡雲經院葉深秋講散

香臺鳥下午齋分坐間山偈曾同說別後鄰鐘不共聞
笠澤到時尋舊業菱池漠漠雨紛紛

次韻楊署令雨中卧疾

雙桐分蔭曉池清乍喜新晴覺病輕蛛曳林風吹欲斷
鷺經沙雨洗偏明吟多稍怯臨窻寫卧久渾忘出市行
不道春歸踰一月起聞歌鳥尚疑鶯

送呂秀才入道

學禮茅君便入山黃冠初著稱清顏杏園不羨龍頭貴

蓬島應思鶴背閒
窓下棄檠辭婦去
壇前受錄拜師還
白雲知勝青雲好
揮手從今謝世間

送胡簿之陽朔

幾年桂管去人稀
白髮憐君獨遠違
過海定尋迴估舶
出京纔脫舊儒衣
祠羞荔子傳巫語
縣閉榕陰放吏歸
亦欲移居嗟未得
謾看鴻鵠向南飛

謁甫里祠

衣冠寂寞半塵絲
想見江湖獨卧時
遁跡虛煩明主詔

感懷猶賦散人詩釣魚船去雲迷浦鬪鴨闌空草滿池
芳藻一杯誰為奠鼓聲只到水神祠

送恩禪師弟子勤歸開元寺

寺有二石佛
自海上浮至

山衲經寒補雜繒白雲高寺遍尋登法身已證浮來佛
宗旨曾傳化去僧歸過江城誰施飯定依舊院自懸燈
明朝應恨千峰阻欲問楞伽已不能

送何記室遊湖州

暮雨闌城獨去遲少年心事劍相知故人當路輕貧賤

倦客逢秋惡別離踈柳一旗江上酒亂山孤棹道中詩
水嬉散後湖亭廢此去煩君弔牧之

江上寄丁校理昆季

望裏烟生是子家草堂應近鵲鴿沙江汀每恨無舟渡
野墅空憐有酒賒半雨暮成風外雪孤梅春動臘中花
相思尚隔前村遠獨倚柴門數去鴉

送顧軍咨歸梁溪

新柳休攀短短條離愁似雪未能銷春迴廢苑還芳草

人渡空江正落潮
德曜宅前今獨去
平津門下舊相招
重來莫在花開後
擬聽狂歌醉幾朝

白蓮寺次韻杜進士喜余見過話舊之作

不辭鳴棹遠相尋
欲向江齋伴旅吟
百事未成年已長
幾時纔別夏將深
萱留倦蝶連池綠
樹帶殘鶯滿寺陰
恐被老僧嫌滯礙
舊遊休說更傷心

期徐七遊雲巖

憶與青山別幾時
雲僧應恨鶴歸遲
少知學道貧非病

閒愛談禪偈是詩女浣曉江烟淼淼人行暮苑麥離離
明朝風雨還同往恐負高僧石上期

賦得寒山寺送別

楓橋西望碧山微寺對寒江獨掩扉船裡鐘催行客起
塔中燈照遠僧歸漁村寂寂孤烟近官路蕭蕭衆葉稀
須記姑蘇城外泊烏啼時節送君違

聞朱將軍戰歿

江浦戈船赤幟稀孤軍落日陷重圍鏡中蛇墮占應驗

牙上梟鳴事已非殘卒自隨新將去老親空見舊奴歸
聞雞此夜誰同舞西望秋雲淚灑衣

送何明府之秦郵

何淮東人已
三為縣令

馬前風葉助離聲楚驛都荒不計程一令尚淹三縣事
幾家曾見十年兵夕陽遠樹烟生戍秋雨殘荷水繞城
父老不須重歎息君來應有故鄉情

過野寺次韻徐廉使琰舊題

使節城東按部迴曾將從吏到香臺秋林數騎蕭蕭去

晚澤孤鴻噉噉來
蘿雨溼衣溪路轉
柏風吹燭殿門開
當年物色雖留與
題壁慚無子美才

送滎陽公行邊

風卷雙旌雪覆羈
遠騎白馬出行邊
兵馳空壁三千幟
客宴高堂十萬錢
屏裡舊圖魚腹陣
燈前新著豹韜篇
功成他日論諸將
只有荀郎最少年

登涵空閣

滾滾波濤漠漠天
曲欄高棟此山顛
置身直在浮雲上

縱目長過去鳥前數杵秋聲荒苑樹一帆暝色太湖船
老僧不識興亡恨只向遊人說往年

婁江寓舍喜王七隅見過却送還郭

送君只過孝廉橋不似君來訪我遙路未同歸鴻杳杳
門方孤掩竹蕭蕭遠愁忽與鐘聲至殘醉微兼燭燼銷
莫道扁舟難重過寒江日日有迴潮

送葉卿還隴西公幙兼簡周軍咨

落日闌城動鼓笳遠遊憐汝尚無涯壯身謾託三公府

歸夢難尋萬里家
投驛墓山燈照葉
待潮秋渡棹粘沙
軍中記室如相問
只說愁吟對菊花

范文正公祠

開閣陳書對御筵
共言天子得時賢
才陪上相趨廷內
遷撫豪羌出塞邊
松柏自依先隴廟
稻禾猶滿義莊田
古來直道難終合
何必深歎慶歷年

丁令威宅

令威作仙上天去
舊宅留在青山阿
千年宅廢但遺井

何處更聞華表歌
南陌黃塵足去客
東流碧海絕迴波
鶴歸重覽應惆悵
地上丘墳今又多

辭戶部後東遷始出都門有作

詔貳民曾出禁林
陳辭因得解朝簪
臣材自信元難稱
聖澤誰言尚未深
遠水江花秋艇去
長河宮樹曉鐘沉
還鄉何事行猶緩
為有區區戀闕心

寄余左司

何處吹愁角一聲
大江東岸呂蒙營
天隨流水茫茫去

月共長庚耿耿明虜意有圖秋暫息客魂無定夜還驚
欲陪釀酒樓船座借問風潮早晚平

聞家兄謫壽州

別來未省去何投書到方知謫壽州覽俗自堪傷遠客
聽音誰解釋羈憂長淮波浪應愁渡故國江山只夢遊
未有萬回飛往術魂銷空望楚雲秋

吳城感舊

城苑秋風蔓草深豪華都向此銷沉趙陀空有稱尊計

劉表初無弭亂心
半夜危樓俄縱火
十年高塢漫藏金
廢興一夢誰能問
回首青山落日陰

喜幼文北歸

風塵萬里損光輝
舊面相逢却訝非
在路定留經處詠
還家猶著去時衣
久留遠土蟲蛇雜
忽解高羅鴈鷁飛
尚念梁園三二客
與君同去不同歸

送宋君南康葬親

長揮客淚楚雲東
故國江山百戰中
遺柩十年嗟未掩

歸舟千里喜纔通遠途敢避風濤惡
舊隴應知草樹空
料得南岡廬宿處夜深猿鳥泣西風

送王孝廉遊京回錢塘

客遊南北再逢春
幾驛烟花一騎塵
觀國舊逢朝闕使
還家今作渡江人
雪迎酒氣消應早
柳逐歌聲發更新
此日腰間垂赤組
不須猶愧故鄉親

感懷次蔡參軍韵

擊筑無人識漸離
客依孤館獨淒其
著書未解成新語

把酒聊因覓舊知，燕塞風多寒水急。
梁園雪早凍雲痴，年來只念江東去。
下馬碑陰看色絲。

寄錢塘方員外

尋常此別事難同，不意音書得再通。
君病尚留多難後，我吟方向亂愁中。
殘烟廢郭山猶在，落日空城歲欲窮。
借問西湖舊梅樹，如今還剩幾多叢。

秋日江館詠懷

十年世事漸多更，自歎而今豈復生。
未有佳兒書漫讀，

既無俗客酒頻傾
烟生遠塢聞鷄唱
潮落平沙見蠅行
秋後思歸凡幾度
夕陽江上望高城

得亡友周記室在繫所詩次韻

擬出置羅罽卜鄰
死生俄判兩吟身
百年豈料逢今日
四海何由見此人
吳地有園花已盡
楚山無塚草空新
一篇幽憤時時讀
風雨寒燈夜獨親

得呂山人見寄

一罷僧房看竹期
行吟何處復相隨
烟波遠渚難尋路

風雨幽窓忽送詩故舊誰非嗟別者鄉園同是憶歸時
莫愁孤館春寥落且向江干避亂離

送殷孝章赴咸陽教諭

獨抱遺經出董幃秋風送騎入關遲用儒幸際千年會
造士欣為一縣師鴻鴈雲低秦壘角牛羊草沒漢陵碑
宦遊魚得觀形勝莫向尊前歎別離

送僧希載赴天界

水郭春寒壓柳絲扁舟送道林支日邊金界曾遊地

雪後滄江欲渡時座近爐香朝聽法
憲傳鉢韻夜談詩
龍河舊日棲禪侶想拂雲牀正待師

寄永寧丁明府兼簡達君先生

永寧屬洛陽丁近布平盜浚渠

之功達君前進士寓其邑

政成百里自材優莫厭青袍映白頭
盜散山棚城少閉
渠通田澮水多流陸渾莊上鷄鳴午
緱嶺祠前鶴去秋
沽酒更須煩縣令洛中時伴玉川遊

江山晚眺圖

一髮青山斷鴈邊
渚宮樓閣暮雲連
烟波彷彿江南意
風柳依稀峽外天
釣艇歸時風動葦
僧鐘起處日沉烟
觀圖忽起滄洲想
身墮黃塵又幾年

江上春日遣懷

江上逢春已兩回
客中時序苦相催
蛛營戶網蟲初出
雀借簷巢燕未來
年少即閒真信拙
詩成雖好可言才
如今欲向南鄰叟
旋乞垂楊繞舍栽

別江上故居

家具初移借釣船臨行魚鳥亦悽然城南徙舍惟三里
渚北閒居已二年花墅回看春水外草堂留掩夕陽邊
多慚父老相留意來去聊隨大化遷

永樂禪寺

隨鶴羽絕秋零幾日江行思渺冥夜卧客舟聞詠史
朝過僧榻共談經沙洲雨足蓴初紫林塢霜遲橘尚青
後欲尋公曾到處留詩應共竹間亭

大全集卷十四



總校官庶吉士臣張能照

校對官檢討臣蕭九成

謄錄貢生臣傅瓌芳

謄錄監生臣劉天蒼

欽定四庫全書薈要

集部

大全集卷十五

六

欽定四庫全書薈要卷一萬六千六百二十六

集部

大全集卷十五

明 高啟 撰

七言律詩

送人出鎮

家出山西負勇名，擁旄方見去專城。
風生曉帳旌旗動，月落寒譙鼓角清。
麟閣封侯初受任，鴈門擒虜舊功成。
如今四海無征戰，雅詠投壺樂太平。

送周省郎之海虞判官

黃茅連野邑城荒佐邑初煩舊省郎鴈起海風吹暮角
雞鳴關月照晨裝讀書臺下逢人少濡墨廳中憶尉狂
君到官曹無事日一尊為我酌斜陽

次張子宜園居

見山岡下竹蒙籠亂後池塘野水通身影步隨花影日
鬢絲吹傍釣絲風已知處世愁無益更覺全生醉有功
誰道閒官貧去甚春來未典舊焦桐

其二

早回高步謝天衢，應戀閒園景趣殊。
養鶴階除長得伴，種魚池沼不輸租。
官曹自古皆詩客，家世當年本釣徒。
苦欲相尋阻泥潦，滿林烟雨聽啼鵠。

遷城南新居

辛苦中年未有廬，東西長寄一囊書。
未能避俗還依俗，堪信移居更索居。
葉滿鄰園烟幕幕，竹連僧舍雨踈踈。
何須許伯長安第，此屋脩然已有餘。

贈醫師王立方

醫得河間第五傳，尋師曾上海門船。
龍方試後應多驗，鶴骨癯來已欲仙。
渡澗斲苓朝帶雪，隔林蒸朮午生烟。
詩人亦有相如渴，願乞丹砂舊井泉。

吳縣庠訓導徐君善醫常起人疾求詩贈之

解榻高齋晝日遲，坐談周孔雜軒岐。
仙人方在應藏枕，博士經橫每下帷。
池上採芹風起處，階前晒藥雨收時。
病痊不使人栽杏，只要新題滿卷詩。

挽瞿隱君

壯志蹉跎為亂離，蒼天不肯見清時。
樓前鶴去飛雲遠，墓上人來宿草衰。
親老還揮思子淚，弟愁長詠哭兄詩。
兩年頻送交遊死，不似夫君最可悲。

次韻靈隱復見心長老見寄，兼簡泐禪師

高堂鐘鼓毒龍驚，曾布袈裟海上城。
廬嶽禪師傳法印，道園學士許詩名。
幾趨北闕瞻天近，獨坐南屏對月明。
書到喜聞雙徑老，雨華新散滿瑤京。

稚齋為陳山人賦

華屋雖存忍獨居
愁瞻松柏漫踟躕
夕陽馬下高人墓
夜雨烏啼孝子廬
地掩衣冠魂去後
家留圖籍手編餘
元方應有無窮意
陌上何年重駕車

追次唐人韻

任俠平生慕灌夫
每思鳴劍起伊吾
歌調錦瑟初移柱
笑擲金盤已作盧
買妾競誇燕地女
求官不事霍家奴
灞陵獵騎歸衝雪
笑殺詩人撚凍鬚

喜聞王師下蜀

蜀國兵銷太白低將軍新拜漢征西浮橋已毀通江鷁
進鼓初鳴突水犀不假五丁開道遠俄看萬甲積山齊
從今險阻無人恃夷貢南來盡五溪

逢倪徵士

數千里外久相違十八灘頭偶獨歸自說病來辭幕府
只因愁絕念庭闈吳歌重把還鄉酒蠻布猶穿過嶺衣
話盡三年遊歷事滿庭風雨送斜暉

贈林泉民張夢辰次張貞居韻

雨船幾度載狂客詩卷平生隨老翁
林下自成麋鹿友世間相去馬牛風
曉炊熟露葵紫秋寺寫殘霜葉紅
他日誰修耆舊傳著君應在隱淪中

倚樓

西館樓前見鴈行桂花初白柳枝黃
凭欄有客迎秋思捲箔誰家出晚妝
未放離魂尋楚雨已看歸鬢點吳霜
自憐對酒還惆悵不及分司御史狂

其二

漠漠疎烟丹樹開
火經城苑減樓臺
雨初過處千山出
人正愁時一鴈來
秋色自隨砧杵動
夕陽又被鼓鐘催
詩成未盡登臨意
獨向蒼茫首重回

閻閭墓

水銀為海接黃泉
一穴曾勞萬卒穿
謾設深機防盜賊
難令朽骨化神仙
空山虎去秋風後
廢榭烏啼夜月邊
地下應知無敵國
何須深葬劍三千

西塢

空山啄木聲敲鏗
花落水流縱復橫
松風吹壁鶴翎墮
梅雨過溪魚子生
尚有人家機杼遠
更無塵土衣裳輕
斜陽已沒月未出
樵子歸時吾獨行

過海雲院贈及長老

衲擁寒雲老一丘
遊方無夢轉悠悠
茶香吹過前林晚
菜葉流來別澗秋
舊拂講餘懸壁上
殘經定後落牀頭
紫藤塢裡歸逢雪
煨芋曾煩慰客愁

送錢塘守

繁華莫歎異昇平到郡初煩露冕行
幙下吏書催署字湖中妓舫歌聲潮來兩渡皆侵岼
日落諸山半入城休沐南屏煩一到松間尋我舊題名

張山人見訪留宿草堂

夕陽欲沒靜沙虛喜子能來慰索居
生事蕭條慚客裏交情契濶歎兵餘
買魚急喚臨江艇炊黍深開暎竹厨
屈指故人能幾在莫辭同醉卧田廬

陪臨川公遊天池

騎馬尋幽度嶺遲老僧不識使君誰
門開紅葉林間寺泉浸青山石上池
殘果已收猿食少枯松欲折鶴巢危
壁間不用題名字無限蒼苔沒舊碑

客舍歲暮

空江寒雨送淒涼離舍無多即異鄉
井田尚勤慙德曜音書未至憶平陽
心輕別歲憑年少夢喜還家及夜長
自笑病來詞賦拙懶從枚叟客遊梁

江上晚眺懷王著作

渡頭西望足離情
晚水寒山雪後清
鷗立斷冰流漸遠
鴉隨殘照去還明
漁人笛過風生浦
估客帆迴樹繞城
范蠡祠前春意動
思君欲放酒船行

答徐七記室病中作

空齋孤枕積書間
清瘦憐君變舊顏
累少亦憂今日亂
病多應賴此身閒
朝辭鄰友看花去
晚候家僮買藥還
知是苦吟猶未廢
水邊深樹掩柴關

遊雲巖值雨

深殿幽廊映竹開，鳥聲忽斷雨聲催。
蘚生偏上題詩壁，花落還臨說法臺。
林下聞鐘諸客散，磯邊汲水一僧來。
晚晴更好看山色，西閣憑欄獨未迴。

送張徵君南遊

故人多去不堪留，況復看君更遠遊。
流落正逢搖落景，亂離還值別離愁。
夕陽亭上匆匆酒，寒雨江邊渺渺舟。
此後衡門應獨掩，詩篇寂寞有誰酬。

宿張氏江館

極浦荒雲一棹行，遠投江館駐宵程。
客中得酒銜悲喜，亂後逢人說死生。
木葉未空寒鳥聚，海潮欲上曙鷄鳴。
政憐此地無驚擾，歸夢如何又入城。

再遊南峰

放鶴亭前落葉重，吟身獨上夕陽峰。
遠村近浦分諸樹，後嶺前山應一鐘。
高閣倚殘歸鳥過，空林行盡老僧逢。
支公駿馬嗟何處，石上莓苔沒舊蹤。

送李使君鎮海昌

州有雙廟

海風千里捲雙旌，按轡初聞屬部清。
人雜島夷爭午市，潮隨山雨入秋城。
鳴狐不近睢陽廟，突騎猶屯廣利營。
肯掃帳中容我醉，夜深燃燭卧談兵。

賦得惠山泉送客遊越

雲液流甘漱石牙，潤通錫麓樹增華。
汲來時冷和山雨，飲處春香帶澗花。
合契老僧煩每護，修經幽客記曾誇。
送行一斛還堪贈，往試雲門日注茶。

寄題張著作菁山隱居

霞映青山似赤城，歸樓聞已謝時名。
半湖殘雨收虹影，幾樹斜陽帶鳥聲。
竹下逢僧投杖揖，蘿間候客抱琴行。
平生應笑王夷甫，末路方言少宦情。

送胡孝廉布東遊

春色偏傷楚客心，日斜芳草鷓鴣吟。
山遮故國千重影，雲度長江一片陰。
少婦自挑燈下錦，諸侯誰贈橐中金。
送行只恨華觴淺，不似同袍別意深。

夜雨不寐

雨窓燭盡漏迢迢，秋滿牀幃酒易消。
蟋蟀催寒輸絡緯，梧桐鬧雨勝芭蕉。
漸知老去非前日，豈信愁來是此宵。
莫聽曉鐘聊穩睡，久居閒退罷趨朝。

煮雪齋為貢文學賦禁言茶

自掃瓊瑤試曉烹，石爐松火兩同清。
旋渦尚作飛花舞，沸響還疑灑竹鳴。
不信秦山經歲積，俄驚蜀浪向春生。
一甌細啜真天味，卻笑中泠妄得名。

晚香軒

不畏風霜向晚欺，獨開衆卉已凋時。
地荒老圃苔三徑，節過重陽雨一籬。
秋色蒼茫人醉少，寒香落漠蝶先知。
山翁獨念同衰晚，坐對幽軒每賦詩。

次韻倪雲林見寄

老來詩陣尚堂堂，過宿曾留釀大牀。
病驥可堪迷遠道，孤松只合在高岡。
蕭蕭塵鬢驚寒色，渺渺雲山斂夕光。
莫道欲歸無好處，便尋勾漏與華陽。

其二

草滿當年食客堂，一身投老寄僧牀。
秋風吟怨哀蘭浦，暮雨行愁苦竹岡。
任曠豈能諧薄俗，養和且為駐顏光。
酒錢十萬令誰送，獨嗅黃花對夕陽。

荅韓長司用韻見贈并簡滕用衡

昔年載索侍明堂，每見論邊近御牀。
入幕乍參飛騎將，還家新卜卧龍岡。
泰山暮隔關雲遠，吳樹秋涵海日光。
共語東西宦遊事，里中今喜有南陽。

答張文伯用韻見贈

早年說法已升堂
夜雨長連聽雨牀
珥筆便堪趨禁省
振衣何必上重岡
半簾藥氣踈烟退
滿屋書聲落月光
愧我飄零荒舊學
酒徒相逐醉高陽

喜逢賀叔庸送還錢塘

暫來還去獨翩翩
賀監清狂已欲僊
三日小樓延解榻
幾人還浦送回船
鴈呼舊侶投雲外
梅試初花在雪前
歸去西湖柳邊宅
定娛鶴髮慶新年

子祖授生

他日愚賢未可知眼前聊復慰哀遲
人間豚犬應誰子天上麒麟豈我兒
夢兆先占神媪送啼聲還得使君奇
樂天從此休長歎已有人傳柏匱詩

喜張太常謁告歸途見訪雨中留宿話舊

長嗟遠別望京城忽喜相逢駐驛程
問舍求田慙我鄙還家上冢羨君榮
寒廳聯句圍爐坐晚陌趨朝並轡行
舊事重談真若夢江湖夜雨一燈明

御溝

春含禁柳綠相和紫貫天津若絳河派出宮牆流葉斷
源通靈沼躍魚多曲迂月下龍舟轉清照雲間雉扇過
行客何須問深淺長流不盡似恩波

雲巖訪蟾公值雨留宿次周記室壁間韻

日暮松間雨屐過懶殘不出近如何鐘聞下界歸人少
燈照空林落葉多別後有思還是妄定中無想不成魔
山靈盡意相留客暗雨斜風滿薜蘿

送任兵曹赴邊

少年耻著惠文冠
幙下時時把劍看
官燭未銷鷄送曉
軍笳忽動馬嘶寒
關連雲樹征途迴
塞接霜蕪戰地寬
見說長平門下客
奇材唯有一任安

吳下逢梁賓客子
天爵復送還會稽

識君京國暫相從
別去堪憐此再逢
共把一盃官市酒
初聞半夜客船鐘
吳洲鴈落潮痕淺
越嶠猿啼樹影重
曾作尊翁舊僚屬
臨分離恨倍人濃

次韻俞士平見寄

一棹滄浪兩鬢絲
豫章老客苦相思
作歌幾日空招隱
載酒何人為問奇
吳苑舊遊山色在
楚江歸夢月明知
莫言別後音塵絕
長倚東樓憶紫芝

登天界寺鐘樓望京邑

朝罷登樓賞晚晴
三山二水總分明
人間地湧黃金界
天上雲開白玉城
宮樹遠連江樹色
寺鐘微答禁鐘聲
憑高空此觀形勝
深愧無才賦帝京

十二月十九日雪中

舟絕寒江凍不潮，縈沙拂柳影脩脩。
纔從漁浦磯邊積，還向樵村竹外飄。
撲馬憶從年少樂，點袍曾逐侍臣朝。
如今獨坐吟詩句，茅屋茶烟冷未消。

過僧舍訪呂敏

幾欲相尋與願違，今朝始得過禪扉。
磬聲穿竹山房遠，屐齒粘苔石徑微。
幽鳥每同馴鴿下，高人閒與老僧依。
談詩說偈俱堪喜，坐覺茶香上薜衣。

新篁

南池雨後見新篁
裊裊烟梢漸出牆
風度亂翻交籜響
露垂微挹粉痕香
簾前嫩色初含暝
琴畔疎陰已送涼
野飯休燒林下筍
留添碧玉數竿長

初夏江村

輕衣軟履步江沙
樹暗前村定幾家
水滿乳鳬翻藕葉
風疎飛燕拂桐花
渡頭正見橫漁艇
林外時聞響緯車
最是黃梅時節近
雨餘歸路有鳴蛙

江村

南浦薰風吹葛衣，汀花未落岼花稀。
水神廟下莎侵路，江叟門前柳映磯。
犢卧已知耕耒歇，鷗驚長見釣船歸。
天隨宅畔吾曾住，留得閒骨掛夕暉。

田園書事

西園春去綠陰成，已覺南窓枕簟清。
簾捲斜陽歸燕入，池生芳草亂蛙鳴。
葉過穀雨花猶在，衣近梅天潤易生。
獨坐正知閒晝永，吟餘消盡篆烟輕。

梅雨

江南烟雨苦冥濛
梅實黃時正滿空
灑竹暗連湘女廟
隨雲遠渡楚王宮
窓寒頓使拋紈扇
衣溼頻催換火籠
幾度欲晴還復暝
簾前不放夕陽紅

送衍師還相川

江樹湖波繞相川
南風中錫去翩翩
村中乞米晨留鉢
城外聞鐘夜泊船
昔向名林曾說法
今歸舊院定安禪
道心深悟俱浮幻
不奈詩名滿世傳

萱草

幽華獨殿衆芳紅
臨砌亭亭發幾叢
亂葉離披經宿雨
纖莖窈窕擢薰風
佳人作佩頻朝採
倦蝶尋香幾處通
最愛看來憂盡解
不須更釀酒多功

雨過舟中看山

風雨山前暗荔蘿
滿蓬涼思入滄波
沙鳴正厭秋聲急
峰出還憐景趣多
溪上雲收開遠樹
田中水滿發新禾
舟人不用催歸速
卧看青巒次第過

齊雲樓

境臨烟樹萬家迷勢壓樓臺衆寺低斗柄正垂高棟北
山形都聚曲欄西半空曾落佳人唱千載猶傳醉守題
劫火重經化平地野鳥飛上女垣啼

靈巖寺

閒上香臺望下方漁村樵塢盡蒼蒼傾城人遠苔生逕
歸寺僧稀葉滿廊雲散池邊留塔影雨來閣外失湖光
廢興皆幻何須問獨自吟詩送夕陽

孤園寺

欲問南朝常侍宅已為西域化人宮
山僧歸帶漁舟雨
湖鳥來聞粥鼓風橘柚垂簷秋
殿暗波濤驚座夜堂空
給孤長者誰曾見應在烟雲杳靄中

開元寺石鉢

寶石當年琢帝青浮波不異木盃輕傳靈已歷乾陀國
乞食曾來舍衛城漁父得時初洗獻法王在日每擎行
寺僧見客休頻出恐有藏龍此內驚

垂虹橋

行人脚底響波濤
驅石神鞭是孰操
影落蛟龍朝窟暗
形垂蝓蝓暮天高
烟中去憶鷓鴣夷
遠月下吟誇長史豪
幾度憑欄賞秋色
鱸魚新買繫歸舫

聞湖州遷客消息

漕吏相迎渡惡灘
到時應是幾旬間
猿啼嶺下梅花白
鰐去祠前荔子斑
名姓未看兵籍落
音書忽附估船還
莫言久作炎荒客
會逐陽和返故山

秋日江居寫懷

每看搖落即成悲況在漂零與別離為客偶當鱸美處
思兄正值鴈來時天邊暝為秋陰早江上寒因歲閏遲
莫把丰姿比楊柳愁多蕭颯恐先衰

其二

葭莢連秋渺渺長歸舟猶歎滯江鄉客衣欲冷隣機急
農事初成野飯香千里斷雲隨鴈鷺半村殘照送牛羊
有愁不解登高賦空使頻迴宋玉腸

其三

舌在休誇術未窮且將蹤跡託漁翁芙蓉澤國瀰漫雨
禾黍田疇掩冉風身計未成先業廢心懷欲說舊交空
楚雲吳樹無窮恨都在蕭條隱几中

其四

風塵零落舊衣冠獨客江邊自少歡門巷有人催稅到
鄰家無處借書看野蟲送響天將夕籬豆垂花雨稍寒
終卧此鄉應不憾只憂飄泊尚難安

其五

桑苧翁家次近居人烟沙竹自成墟
移門欲就山當榻補屋唯防雨溼書
貧為湖田長半沒拙因世事本多踈
當時亦有求名意自喜年來漸已除

其六

喪亂將家幸得全客中長恥受人憐
妻能守道同王霸婢不知詩異鄭玄
借得種蔬傍舍地分來灌菊別池泉
却欣遠跡無相問一棹秋風笠澤邊

其七

秋塘門掩竹穿沙為客鄰酤未易賒閒裏壯年慚白日
愁中佳節負黃花漁村靄靄緣江暗農徑蕭蕭入圃斜
薄俗相輕吾敢怨魯人猶自笑東家

漫成

柴門藥圃小江邊早得閒居是偶然兩岸晚風黃鳥樹
一陂春水白鷗天悠悠往事空書卷碌碌浮生只釣船
猶記京華為客日幾回聽雨憶歸田

其二

已分棲遲不自疑江邊林下儘幽期
病惟好懶寧須藥心未忘機
偶對棊閒館雨聲花落夜深塘
草色燕飛時春來頗喜囊中富
添得新成幾首詩

喜徐山人與浩師見過

遠煩支許問棲遲正是山家橘熟時
為吏得閒非是隱學禪有解只能詩
潮聲驚客江三里秋色留人菊一枝
莫怪相逢意偏喜碧雲紅樹久相思

端陽寫懷

去歲端陽直禁闈新題帖子進彤扉大官供饌分蒲醑
中使傳宣賜葛衣黃繖回廊朝旭淡玉爐當殿午薰微
今朝寂寞江邊卧閒看遊船競渡歸

寄倪隱君元鎮

名落人間四十年綠蓑細雨自江天寒池蕉雪詩人畫
午榻茶烟病叟禪四面荒山高閣外兩株疎柳舊庄前
相思不及鷗飛去空恨風波滯酒船

與杜進士寅登白蓮閣對雨

遠愁高樹共離離
風送潮聲上浦遲
海客市中烟起處
江僧閣外雨來時
船歸杳靄唯聞榜
店隱蒼茫不見旗
回首南朝今幾寺
可堪重詠牧之詩

喜宋山人見過

攜琴遠趣渡江船
煩覓幽蹤浦樹邊
別久忽看梅又發
話長應讓鴈先眠
一冬多暖天無雪
半夜初寒月有烟
回首舊遊君莫念
歸來好共種吳田

與姪常遊東菴

水樹圍菴綠幾層
陰中敲戶晝登登
十年重到猶為客
半日纔閒且訪僧
舊履塵生趺後席
亂幡風颭供餘燈
高齋對作忘言坐
此事堪憐汝亦能

謝周四秀才送酒

不忍醒愁只欲眠
幾日花發自江邊
欲沽百錢未易得
忽送一壺真可憐
梳頭好鳥語窻下
洗盞流水到門前
今朝得醉已無恨
不使春光空一年

上已有懷

春寒渾未減征衣愁對佳辰坐掩扉江上琴書留滯久
水邊車馬祓除稀閒園細雨梨花落廢苑平蕪燕子飛
欲覓蘭亭會中友幾人遷謫未能歸

徐記室賁北歸見訪南渚復送還城

初辭楚澤到吳村訪舊嗟君古道存欲治匆匆歸後計
難留款款坐中論雪遲似讓梅先白月早如愁樹已昏
此別終非前別遠孤舟江上莫銷魂

被召將赴京師留別親友

長送遊人作遠行
今朝還自別鄉城
北山恐起移文誚
東觀慙叨議論名
路去幾程天欲近
春來十日水初生
只愁使者頻催發
不盡江頭話別情

過故將軍第

甲第如雲紫陌東
當年得意負邊功
美人笑客登樓上
假子將兵衛閣中
深計謾誇三窟固
遊魂難返九原空
門前車馬今誰到
零落槐花向晚風

雨中寄劉沈二別駕

漠漠春寒水繞城
誰家可作看花行
一盃不得三人共
二月都能幾日晴
夢逐鶯聲風外斷
愁魚草色雨中生
畫船載妓南湖上
不似年時放浪情

丁校書見招晚酌

正坐羈愁不自聊
遠煩舟楫暮相邀
江懸落日猶三尺
風折垂楊定幾條
流水入花村杳杳
幽人對酒屋脩脩
此鄉不得君同客
應是春來更寂寥

杜二年四十鬚已多白戲作是詩

覽鏡憐君感歎深年來頷下忽霜侵
未衰自計方強仕
早白應緣只苦吟
雖失家中嬌婢喜
還招座上遠朋欽
到頭此物須常見
好染虛消買藥金

愛姬祠

錦雲陣陣落紅衣
波冷雙蓮慘夕暉
故國草侵金輦跡
荒祠塵掩畫羅幃
共哀艷質軍前歿
誰見香魂月下歸
惆悵無人來酌酒
綠楊惟有暮鴉飛

雲山樓閣圖為朱守愚賦

白雲窈窕楚天陰
半露樓臺出遠林
簾幙捲時秋雨歇
鼓鐘鳴處夕陽沉
鶴從遼海天邊下
猿隔巴山樹裡吟
為問仙家在何處
欲穿謝屐一登臨

夏夜

銀河欲轉漏聲稀
坐詠閒齋夜掩扉
鵲影頻翻窻竹起
螢光每拂逕莎飛
風生漸抖齊紈扇
露下猶沾楚葛衣
自掾胡牀相待月
為憐池上夜涼微

池亭晝卧

曲闌虛幔映滄浪長日宜眠夢蝶牀
波影細搖侵簾影荷香遠遞雜爐香
不知道路方愁暑只愛池亭可納涼
何處鳴蟬驚睡起高槐陰外未斜陽

姑蘇懷古

麋鹿來遊客過稀消沉伯業在斜暉
遊帆自向湖邊落鳴鏜誰聞月下歸
烏喙計成楫柁至蛾眉舞罷綺羅非
如今始悟牽衣諫荊棘遺宮淚滿衣

宿山寺

蓮宮借榻喜涼生，疑到天台近赤城。
風度回廊秋欲動，河窺高閣曙初明。
泉聲正與松聲合，僧夢頻同鶴夢驚。
最喜此宵無熱惱，莫教月落又鐘鳴。

王徵士東里草堂

久客因為東里人，年來移竹有僧鄰。
時名頗患緣詩得，野性惟知向酒新。
林下烟生門掩夕，園中雪罷鳥鳴春。
相期歲晚為同社，隔屋歌呼定不嗔。

客舍寒食次周著作見寄韻

寒食江頭客未還，獨臨流水見愁顏。
故園芳草斜陽外，空館疎華細雨間。
亂世求田雖自笑，少年當路竟誰攀。
主人莫折門前柳，多病無書倦入關。

新春次余左司韻

雪晴稍稍見花枝，書閣朝眠日影移。
酒到好懷傾輒盡，詩逢高韻和應遲。
今朝閒豈尋春得，前夜愁因送客知。
走馬南園芳草綠，憑君莫問少年時。

次韻楊禮曹秋日見贈

殘雨條條映彩虹，憐君獨詠楚臺風。
遠江帆影秋蕪外，故苑砧聲晚樹中。
壯歲漸如辭幙燕，閒身猶作蠹書蟲。
雅音自古無能好，莫向人誇瑟最工。

次韻西園公詠梅

如何天與出塵姿，不得芳名入楚辭。
春後春前曾獨探，江南江北每相思。
微雲淡月迷千樹，流水空山見一枝。
擬折贈君供寂寞，東風無那欲殘時。

其二

雪中無伴只孤芳
倚竹元非翠袖妝
馬上忽逢臨水驛
鶴邊俄見向山房
春愁寂寞天應老
夜色朦朧月亦香
此地一尊聊自戀
揚州回首已淒涼

過吳淞江風雨不可渡
晚覓漁舟抵松陵官館
風雨方知客路難
飛鴻相逐渡江湍
港收漁市舟歸晚
門掩官廳燭對寒
此地昔年曾遠宿
何人今夕共清歡
枕邊不為江聲急
夢寐憂時未得安

次韻酬張院長見貽太湖中秋玩月之作

洞簫聞處似黃州
月色惟過一半秋
兔闕何年丹桂種
龍宮今夜白蓮浮
露沾席上縱橫醉
天落舟前浩蕩遊
若上洞庭看玉鏡
雨山應是勝三洲

暫宿行營舟中

蒹葭霜露冷侵船
落鴈驚烏總未眠
戍卒獨明高柵火
居人同宿廢村烟
醉中遠夢欺長夜
亂裏窮愁折壯年
莫問身閒何到此
久思提劍學防邊

其二

角聲未起大星低
夜靜寒營獨馬嘶
樹葉蕭蕭霜後堞
河流汨汨露中堤
一軍睡枕誰能穩
數里歸舟自欲迷
起望此時憂更切
邊烽不隔遠峰西

首春感懷

初春風日自妍華
客意登臨只感嗟
陌上驚塵隨去馬
城邊遺柳斷棲鴉
亂來未覓無兵地
愁在空思有酒家
咫尺苑西誰解問
早梅還發去年花

次韻楊禮曹雨中卧疾

堦前曝藥雨來收寒似人情戀故裘壯歲間闕元屬命
荒城蕭索不因秋憶君我最相憐病問汝誰能獨免愁
清坐自能消鬱結古方休向篋中求

其二

門前問疾幾人車曲巷深深樹影斜每愛積書緣有子
不愁聽雨為無花亂來官俸猶支粟睡起僧書忽寄茶
何事一春頻謁告只應來辨酒中蛇

次韻王孝廉過澄照寺

汝向山中住十日題詩幾度見經過彈琴只向寺前石
放棹每遊湖上波空林雨過虎跡少古屋雲生龍氣多
山僧好客未容去落日更聽樵牧歌

次韻王七仙

不從道士覓驚羣薰沐清朝謁老君龍氣雙騰含景劍
靈魚三食內篇文山中石髓青如鐵海上琪花白似雲
知子從來有仙骨吹笙擬共接飛裙

岳王墓

大樹無枝向北風
千年遺恨泣英雄
班師詔已來三殿
射虜書猶說兩宮
每憶上方誰請劍
空嗟高廟自藏弓
棲霞嶺上今回首
不見諸陵白露中

早春寄王行

江水江花只自春
不知容易解愁人
山川寂寞衣冠淚
今古銷沉簡冊塵
草草逢人空識面
匆匆為客莫容身
十年憂患誰相慰
賴得君家是近隣

次韻僧懷德見貽

風雨兼愁過盡春，愧煩問訊社中人。
牀頭羶與青山舊，門外車隨白日新。
說法空林三竺士，誦詩清夜五臺賓。
相思雖覺鐘聲近，猶隔城東十丈塵。

寄海昌李使君

海上波濤夜不驚，使君雖老尚能兵。
荒烟白鹵家家寗，落日黃岡處處營。
人雜島夷爭小市，潮隨山雨入孤城。
明朝碣石山頭路，我欲停車聽頌聲。

次韻金文學送弟往海上

小陸賢如大陸賢，亂離為客最堪憐。
橫經海上知虛席，打鼓津頭看發船。
麥氣曉晴田雉鬪，懷香春暖野鶯眠。
明朝夢斷生芳草，風雨孤舟過練川。

過海昌贈使君李兼鎮禦

海上觀書逐使車，將軍雙廟有遺墟。
已看田父迎貓虎，未遣溪人射鯉魚。
日出鹽生沙地白，潮來波動縣城虛。
故人相識登樓意，不是懷歸畏簡書。

送黃僧母入道

江夏千年有故家至今喬木哺慈鴉里聞賢子初名憲
世說仙姑舊姓麻壽酒淋漓傾墮露舞衣零亂拂飛霞
不須三釜稱榮食自有金盤棗似瓜

荅薊丘鼎才子

聞道詩狂復酒狂少年鞍馬鬪輕妝百金已醉名姬館
一劍還登俠士堂烏起夜啼吳苑月鴈來秋帶薊門霜
亂餘零落無人識慷慨相逢向路傍

廬上人水竹居

水西分土一袈裟，拄杖敲門竹滿家。
掃石安禪無落葉，過溪送客有浮槎。
龍吟夜應潮生海，鳥過寒驚月在沙。
林下本來參玉板，不須更煮趙州茶。

梅花九首

瓊姿只合在瑤臺，誰向江南處處栽。
雪滿山中高士卧，月明林下美人來。
寒依疎影蕭蕭竹，春掩殘香漠漠苔。
自去何郎無好詠，東風愁寂幾回開。

其二

縞袂相逢半是仙，平生水竹有深緣。
將疎尚密微經雨，似暗還明遠在烟。
薄暝山家松樹下，嫩寒江店杏花前。
秦人若解當時種，不引漁郎入洞天。

其三

翠羽驚飛別樹頭，冷香狼藉倩誰收。
騎驢客醉風吹帽，放鶴人歸雪滿舟。
淡月微雲皆似夢，空山流水獨成愁。
幾看孤影低徊處，只道花神夜出遊。

其四

淡淡霜華溼粉痕誰施綃帳護香溫詩隨十里尋春路
愁在三更掛月村飛去只憂雲作伴銷來肯信玉為魂
一尊欲訪羅浮客落葉空山正掩門

其五

雲霧為屏雪作宮塵埃無路可能通春風未動枝先覺
夜月初來樹欲空翠袖佳人依竹下白衣宰相住山中
寂寥此地君休怨回首名園盡棘叢

其六

夢斷揚州閣掩塵幽期猶自屬詩人
立殘孤影長過夜
看到餘芳不是春
雲暖空山栽玉徧
月寒深浦泣珠頻
掀篷圖裏當時見
錯愛橫斜却未真

其七

獨開無那只依依肯為愁多減玉輝
簾外鐘來初月上
燈前角斷忽霜飛
行人水驛春全早
啼鳥山塘晚半稀
愧我素衣今已化
相逢遠自洛陽歸

其八

最愛寒多最得陽仙道長在白雲鄉
春愁寂寞天應老夜色朦朧月亦香
楚客不吟江路寂吳王已醉苑臺荒
枝頭誰見花驚處嫋嫋微風簌簌霜

其九

斷魂只有月明知無限春愁在一枝
不共人言唯獨笑忽疑君到正相思
歌殘別院燒燈夜妝罷深宮覽鏡時
舊夢已隨流水遠山窓聊復伴題詩

歸吳至楓橋

舊有塔
今廢

遙看城郭尚疑非，不見青山舊塔微。
官秩加身應謬得，鄉音到耳是真歸。
夕陽寺掩啼烏在，秋水橋空鴨飛。
寄語里閭休復羨錦衣，今已作荷衣。

送徐山人還蜀山兼寄張靜居

我因解紱遠辭京，君為修琴暫入城。
偶爾相逢春酒熟，飄然忽去暮烟生。
山頭學嘯猶聞響，世上留詩不寫名。
西磧煩詢張靜者，年來註易幾成。

了髻峰

雙綰雲鬟作髻髻小姑當日嫁誰家
雲滋細草頭梳髮風動奇芳髻
挿花鸞鏡夜憑松掛月鳳釵春待竹生芽
行人莫起陽臺念雲雨無情路更賒

石牛

一拳怪石老山巔頭角崢嶸幾百年
毛長紫苔春夜雨身藏青草夕陽天
中宵望月何曾喘盡日看雲自在眠
惱殺牧童呼不起數聲長笛思悠然

飲陳山人園次能翁韻

桃花梨花已狼籍躑躅花開如火炎時過上巳和而暢
人比杜陵清且廉園中雨流水遶砌林下鳥鳴風滿簾
把酒亦知君意好醉多謬語莫相嫌

寄題內弟周思敬野人居

野人何處是幽棲聞在天隨舊宅西半屋圖書春落蠹
一村花柳晝鳴雞分泉自給烹茶水待雨惟畊種藥畦
日暮扁舟欲相訪恐驚鷗鳥過前溪

吊伍子胥

地老天荒伯業空，曾於青史見遺功。
鞭屍楚墓生前孝，抉目吳門死後忠。
魂壓怒濤翻白浪，劍埋冤血起腥風。
我來無限傷心事，盡在越山烟雨

吊七姬塚

疊玉連珠棄草根，仙遊應逐馬嵬魂。
孤墳掩夜香初冷，幾帳留春被尚溫。
佳麗總傷身薄命，艱危未負主多恩。
爭妍無復呈歌舞，寂寂蒼苔鎖院門。

郡治上梁

郡治新還舊觀雄文梁高舉跨晴空南山久養千雲器
東海初生貫日虹欲與龍庭宣化遠還開燕寢賦詩工
大材今作黃堂用民庶多歸廣庇中

萬木堂為毘陵卞公禮賦

林隱高堂萬木青森然玉立勢亭亭春風送暖花連砌
秋雨生涼葉滿庭坐愛繁陰簾半捲卧聽靈籟戶深扃
斧斤未許來樵採要養長材獻大廷

鶴瓢

產自靈苗勝羽胎何須去作鳳匏來壺公本解飛騰術
丁令寧為獲落材直上青天身恐繫倒傾碧海腹初開
生成自是神仙器肯逐纍纍向草萊

其二

遠隨仙客下青城瘦骨肥來見盡驚藜杖夜懸翻露影
竹尊春瀉飲泉聲園中幾歲形容變海上何時羽翼成
醉聽樹頭風歷歷還疑秋傍九臯鳴

次楊禮曹雨中養疴

午晴書閣暫令開，又聽鳴鳩竹外催。
身到遠山屏乍展，手持明月扇初裁。
綠芳消砌風前蕙，朱果封泥雨後梅。
曲巷掩關人寂寂，今朝問疾有誰來。

咏梅次衍師韻

水郭山村路半交，春晴依約見芳苞。
吳妃舞竟珠鈿委，漢女遊歸玉珮拋。
愁亂雪來朝片片，夢驚風過夜稍稍。
人間何處無開落，吹逐何須怨老蛟。

其二

壓枝何處斷人腸
欲問黃家第四娘
雞早每驚烟際色
蝶遲那識雪中香
林昏有霧籠綃帳
江淨無塵染素裳
此地一尊聊自慰
揚州回首月荒涼

其三

海天寒徹玉人衣
密雨疎烟晚漸披
春後春前曾獨看
江南江北每相思
猿啼古驛征帆宿
馬立荒郊酒旆垂
擬折一枝供寂寞
東風無那欲殘時

其四

招得清魂句自工
長洲春到雪波融
未逢人寄千山外
忽訝君來一夜中
縱隱荒榛猶的皪
若穿深竹更玲瓏
酒空客去愁多處
荻蘆繁霜嫋嫋風

其五

莫學新妝入漢宮
春風多處易枝空
遙情尚憶僧房裡
忽見偏憐客路中
淡月微雲應萬樹
荒山流水只孤叢
夢回一笑僊人遠
碧海青天沒斷鴻

大全集卷十五